

نبيلة محمود

مرآة الحب

أشعار وخواطر

صدرت الطبعة الأولى في أغسطس ٢٠١٩



(أشعار وخواطر)

مرآة الحب

بطاقة الكتاب

عنوان المؤلف	مراية الحب
المؤلف	نبيلة محمود
التصنيف	أشعار وخواطر
رقم الإيداع	٢٠١٩ - ١٥٥٤٣
الترقيم الدولي	٩-٥٢-٦٧٢٦-٩٧٧-٩٧٨
رقم الإصدار الداخلي	٤٦٧ الطبعة الاولى اغسطس ٢٠١٩
عدد الصفحات	١٠٠ صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الإقتباس منه أو نشره على النت الا بموافقة كتابية وموثقة من المؤلف



مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - 020554372901 تليفاكس:

النيل والفرات nagyegy200064@gmail.com

alnilwaalfourat.com alnilwaalfourat@gmail.com

(المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - قمار 304)



(أشعار وخواطر)

مراية الحب

اهداء

الى كل الارواح الجميلة
التي تمتلك الرقة والجمال
والحكمة والوفاء والحب
والبساطة فى التعامل
الى اصحاب القلوب الجميلة

نبيلة محمود



مراية الحب

..... مراية الحب عامية

بتخبى العيوب

..... ونار الحب حامية

بتشوى القلوب

... سبحان الله ف ثانية

تتجمع القلوب

الحب لو حقيقى

الله ع الجمال

..... بيحقق الآمال

... ويبغلب المحال



وَيَصَالِحُ الْقُلُوبَ
بِكَلِمَةٍ مَّ الْمَحْبُوبِ
لَكِنْ كَثِيرٌ بِيَخْدَعُ ..
وَالْحَذَرُ مَطْلُوبٌ
يَا مَ نَاسٌ يَتَلَعَّبُ ...
وَتَتَسَلَّى بِالْقُلُوبِ ...
وَلَا ضَمِيرٌ بِيُوجِعُ
وَالْإِخْلَاقُ يَدُوبُ
وَمِرَايَةُ الْحُبِّ عَامِيَةٌ
بِتَخْبِيِ الْعُيُوبِ
الْحُبُّ مَشٌّ بِالشَّطَارَةِ
وَلَا بِيَحْتَاجُ مَهَارَةً.....



هو زى السنارة

بيشبك القلوب

الحب ضيف خفيف

ما بيطولش الزيارة

بيمر زى الطيف

يسيب القلوب حيارى

ولاينفع تستخبي.

ولا منه تتدارى

الحب طبعه حامى

بس زى الحرامى بيسرق القلوب

الحب له اسرار

لكن ملوش اعذار



وقالو عليّة غدار ...
والناس عنه ما بتوب ...
ناس تتمناه ونفسها تقابله
وناس تترجاه ويجيلها على مهله
وهو قدر مكتوب ييمر على القلوب
ومرايه الحب عامية بتخبى العيوب



بننسى ساعات

بننسى ساعات
ونفكر ف حاجات
وحاجات بتيجى تفكرنا
وبنحسب حسابات وفيها نبات
ويجى الصبح يغيرنا
وبنتلهف على حاجات
وبنكره حاجات
وكتير بنضيع أوقات



ف اللى عدا وفات
.. وسيرته بتكدرنا
والدنيا مليانه حاجات
خير وشر وازمات
ومواقف وكلمات
وناس بتحيرنا
وحاجات نتمناها
ولما نلقاها ونجربها
نصرخ ونقول ايه
بس اللى عليها جبرنا
وف الناس بنتغش كثير
وبنصدقهم من غير تفكير



فيهم الطيب والشرير
واللى بيدور على اسرارنا
وبنتمنى يحصل تغير
ويسرقنا من أفكارنا
ونصيبنا م الفرح قليل
وبنصبر ع اللى جراننا
ونفكر ف القال والقليل
والنوم يبقى قليل
والليل يطول ويسهرنا
وبنستعجل ف الأيام
ونترجاها تبقى تمام



وسنين تجرى بينا أوام
وبنسى إنها من أعمارنا
والحب جانا ب يتمخطر
وسقانا ب اديه شهد مكرر
واخترنا وياريت ماخطرنا .
... خلى أيامنا تتعكر
واصبرنا ع المر كثير ..
وتعبنا من غير تقدير
واحترنا من التفكير
م لقينا اللى يقدرنا
يارب حسن اقدارنا

واديننا حاجات
وناس شربات ننسى
معاهم اللى فات
ومحدث بالذكريات
يفكرنا



ظلمت روحی

روح ت لیه للحب لیه

خدت منه یعنی ایه

ظلمت روحی وزادت جروحی

أوعی ی عینی تبکی علیه

یبعد ویهجر ویغیب علیا

أقول لروحی نصبر شویه

لما نشوف اخرتها ایه

یقسا ویغدر لا یقدر ولا یعذر

وقلبی یبقی ملهوف علیه

كل مرة يزعل اصالحه
كل مرة يغلط واسامحه
جرح قلبي م الاسية
قلبي بقا صعبان عليه
وخايفه عليه
واقول لروحي نصبر شويه
تقولى روى مش عيشة ديه
وغلبت المح له وخاصمه واصالحه
وخاف من قلبي ليقسا عليه
وصعبان عليا حالى
وهو مش دارى بيا



دایما شاغلی بالی
وفایتنی لوحدیہ
وح شکى لمین حالی
ومین یسمعنى
حبیته وکان غالی
ي خسارة لوعنى
أبعد وخليك براحتك
کلامك مبقاش یخدعنى
وح داوى بنفسى جروحى
و اعیش لنفسى شویہ

واقول للحيرة
روحي للى بكا عنيه
مسير الزمن يصفالى
والأيام تحلالى
وتصالح قلبى الغالى
والفرح يقولى
تعالى انسى معايا الأسيه
الحياة بالحب تحلى
مع حبيب أحلى وأحلى
مسير الحب
والفرح يجى



من غير م ندور عليه
ايه يعنى حبينا
واتخدعنا ذنب الحب ايه



الحب جميل

حب من غير مادور على ميزة

الحب جميل وحاجة لذينة

ومحدث بينقى حبيبه ...

ونصيبه هوا اللى يجيبه

أسمر ابيض مايهمش ...

بنقابله بفرحة وبننسى معاه التبوية

والقلب لما يميل

الوحش بيشفو جميل



والعقل ببسثقل
ومفیش ف الحب مستحل

والدنیا بتضحك لك
وتقولك روح على مهلك ياجمیل
وخذ معاك تعویذة
الحب بقا قليل م بيعمرش كتیر
نفسه مش طویل
وبیسافر من غیر فیزا
من حسادك خایفة عليك

من شر عنيتهم أنا ح ارقيتك
خبى منهم سحر عنيتك
واديهم أكبر تبويزة
بحب وضوحك وصراحتك
ومعايا خليك على راحتك
بحب هدوءك وكلامك
وف صلحك وخصامك وسلامك
فجأة بعد دا كله
الايك لصاحبك بتقول له
أصلها أخت عزيزة
بس مفياش ولا ميزة



و مفاجأة كان رأيك فيه
مفاجأة مكنتش لذيدة
من قلبى أنا محتارة
ضاع الحب يا خسارة
يمكن قلبى محتاج نضارة
أو حد يعمل لى تعويذة !



مش كل الحب إهتمام

خد ودى معايا ف الكلام

اسمغنى زى م بسمعك

مش كل الحب إهتمام

ولا كل نصيحة تنفعك

خليك مع اللى يقدرك

وابعد عن اللى يحيرك

ف الحب دور ع الاصيل

مش بس اللى شكله جميل



قبل ما قلبك يميل
أو حد بكلامه يخدعك
جرب صحبتك وحبيبك كمان
قبل ما تديله الأمان
ولسرك ف قلبك حوش
او عا تخذعك الوشوش
وقالو القلوب ألوان مع الأيام بتبان
فيها أبيض وأسود كمان
زى ما قالوا لنا زمان
وفى قلوب على كل الألوان
وفى قلوب طيبة مليانه حنان
الخير مليها وقلبك بيحس بيها

لما تلاقىها اتمسك بيها
وديها إهتمام وراعيها
دى هدية من الزمان

حاول تعيش من غير هموم
لو وقعوك لازم تقوم
لو غرقوك اسبح و عوم
وصح صح وقوم
اوعى بحر الغضب يغرقك
نار الغضب حاميه تحرقك
وتندم ولا تلاقى اللى يلحقك



فكر ووزن الكلام
كل الأمور تبقا تمام
الحياة عايزة الجدع
وياما بتورينا البدع
إلى غدر وإلى اتخدع
وللى بيلعب بالبيضة والحجر

واللى بيجرح ف قلوب البشر
وكلامه انشف م الحجر
وفيهما إلى ع اليأس انتصر
وفيهما الغيور وفيها الشكور

والنبيه اللى بيقرا بين السطور
من غير م يكون حاد البصر
وادعى دايم ربك وقول
يا منجى من غدر البشر
فرحنا واحميننا وبقدرتك
نجينا من غدر البشر
ومن الشر اللى انتشر



إنسانی یاہو قلب أنانی

إنسانی یاریت تنسانی

إنسانی یاہو قلب أنانی

دلوقتی من بعدی بتشکی

دلوقتی محتاج لحنانی

إنسانی أنا وللا نسیته

وندمت کتیر بعد م حبیتک

ادیتک عطف وحنیه

ادیتنی قسوة وحرمان

ياما استنيت ترجع ليه
لكن زودت الهجران
نسيتنى طعم الحنية
سقيتنى مرارة الأيام
بلاش نقول ونقسا
على بعض ف الكلام
خلى إالى عدا ذكرى
ونقول لها سلام
كفايه اللى ضاع من عمري
كفايه ظلم وحرمان



بحلم أعيش الفرحة
نفسى تصالحنى الأيام
هو اللى راح يرجع تانى !
مهما تكون ندمان !
مين نصيبه ب اديه
واللى م يصنونش حبيبه
أكيد الحق عليه
جرح القلوب و للا غالى
و مفيش دوا يشفيه
عمر الزمن م بيرجع تانى
مهما ننادى عليه

لا دمعك يطفى نارى
ولا اعتذار ح ينفعك
لا قلبى قادر ي سامحك
ولا حتى قادر يسمعك
واللى يفرط ف الغالى
جرح الندم يكويه
وكل اللى فات وانقضا
بكره الزمن يداويه
انسانى ياريت تنسانى
انسانى يابو قلب أنانى



مشغولين عليك

مشغولين عليك يا غيب عننا
بعتنا لك رسائل مع الطير الى طائر
يقولك وحشتنا
أرجع لنا قريب يا بو قلب طيب
لوشارى حبنا
كفاية بلاش معاندة
مفيش ف الزمن ده زى حبنا
يمكن حسود حسدنا وسهم عينه صابنا

وجه ف قلبنا

خد ودى طيب معانا ف الكلام

ح يفيد بأيه يا غالى البعد والخصام

حلاوة الحب دايماف الود والانسجام

د القلب ف كل دقة بيبعتك سلام

ياحبيب القلب تعالى وقول سامحتنا

نسيانك استحالة لو حتى كرهتنا

ليه البعاد يطول ويشمت فينا العزول

ليه نعذب قلبنا

على إيه أنت ناوى ياريت تقولنا



ومشغولين عليك يا غايب عننا
ما كنتش كلمة اتقالت خلت قلوبنا شالت
ويضيع حبنا
مهما البعاد يطول مسيرنا لبعضنا

حادثة القطار

حادثة القطار ورصيف نمرة ستة
وناس مفروعة وبتجرى فكل حته
طب ليه مفيش انذار ينبه الناس ويفضى المحطة
او يحول المسار للقطر اللى طار
وعمل انفجار ودمر المحطة
وناس كتيرة ضاعت ف لحظة
من الزمن والغلبان واللى مسافر يدفع التمن
عاملين شاشات مراقبه سجلت اللى حصل
ومفيش طفاية واحدة للحريق
اللى انتشر ! انتبهوا يا بشر !!



وبعتب عليك يا زمن
ليه الغلبان ملوش تمن
والضمير نايم ونعسان
وعيشة مفيهاش أى أمان
ياترى العيب ف الزمان
وللا ف الإنسان وللا ف
الإهمال اللى انتشر!
وللا ف الاستهتار بأرواح البشر
متقولش امكانيات ..
دا انذار بسيط على كم طفاية حريق

كان ينقذ البشر
وللا مفيش إخلاص فى العمل ياناس
وللا دا كان زمان وخلاص اندثر !
وليه المخلص ف عمله دايمًا تعبان
والمهمل والفاصد
بيعلا كمان وكمان
والجهل ف العلم اتخبط
والظلم ف الحق اتخلط
قطر من غير سواق
ال ملهى ف الخناق ...
هو ميكروباص ومعطل الطريق



اهو عمل كارثة
والخوف يطلع برئ ..!
ناس من غير اخلاق
قطر من غير سواق وبيجرى
ع القضبان من غير فرامل
وباكبر سرعة كمان فى الرصيف
اتخبط وخزانه انفجر ودمر البشر
انفجار ورا انفجار يارب ياستار
يامنجى م الأخطار أطف بالبشر
فين المسئوليه

وذنبها ايه الضحايا ديه
ملهاش عدد
ربنا يجازى اللى منه السبب
ناس غلابه وناس عاديه
راحوا للاهمال ضحية !!
هيه أقدار متقدرة ؟
ناس تموت وتدفع تذكرة؟
مين السبب يادى العجب
هوا إهمال مقصود
ولا مسئول مش



موجود وللصبر حدود
وقت العقاب والحساب وجب
ليه غلطات متكررة
وناس بحياة الناس مستهترة
لازم نصلح الغلط
والصح يفضل صح
والغلط يفضل غلط
الى قصر والى غلط
لازم يدفع التمن
وبعتب عليك يازمن



الكلمة الحلوة ليه تخبيها

الكلمة الحلوة ليه تخبيها
قولها وفرح غيرك بيها
قولها حلوة من قلبك تسعد
بيها كل حبايبك وتسعد بيها
ليه تخبيها
أفرح وتهنا بأيامك
أتحرك حقق أحلامك
طريقك مفتوح قدامك
والبسمة او عا تداريها



اوعا تفكر وتخلي مزاجك
يتعكر من كلمة اتقالت عديها
اتوكل دايماً على ربك
شيل الهم بقا من قلبك
الدنيا عايزة اللى يعافر
مش اللى يستسلم ليها
حتى لو كنت يوم متدايق
أو مش رايق الدمة ليه تخبيها
خلي دموعك تغسل همك
بس عن الناس لازم تداريها
شطحاتك اهدا وخبيها
طموحاتك برضو تنقيها

هوايتك وسعادة قلبك
ورا ضهرك ليه ترميها
متقولش ابدأ مش فاضى
اخلق وقت وعيشه فيها

ان حبيت حد عبر عن حبك
مشاعرك ليه تخفيها
لو هتعتب برضو تحاسب
او عا الكلمة تجرح بيها
اختياراك نقيها وانفعلاتك اتحكم فيها
أسرارك أفكارك عن غيرك لازم تداريها
أضحك للدنيا تضحكلك



او عا تنسى نصيبك فيها
ف مشاعر قلبك أتأكد
او عا تقول حاجة مش حاسس بيها
إياك ل الأحزان تستسلم
شمعة عمرك ليه تطفئها
اتفائل خليها على الله
فكر ف الحكمة ومعانيها
مش كل حاجة بنعوزها
زى م بنعوزها نلاقيها
حكمة ربك مين يعلمها
والحاجة ح تيجى ف وقتيها



هيه الدنيا حلوة ومرة
والكلمة الحلوة تحليها
ومادام فى قلب يحبك
معاك ودايما جنبك
ده يساوى الدنيا وما فيها
ومسير الأيام تضحكك
ودعى ربك يحلى نصيبك فيها



بنخاف م الحب

بنخاف م الحب ليه وبنظلم نفسنا
ونعيش من غيره ليه ونضيع عمرنا
الحب إحساس جميل وهدية من ربنا
وبندم كتير عليه لو بعد عننا
بنقابله صدفة نادرة ويمكن
مرة واحدة ف كل عمرنا
من غير ازاي وليه يتمكن منا
وسعات بيكون خداع وغلطة عمرنا

أو حد حبيناه وهو م حبنا
مكنش من نصيينا وعذب قلبنا
يفضل لنا عذابة وحيرة قلبنا
وننقل ع القلب بابيه ليهرب منا
الحب ساعات بيحى لحد عندنا
وينادى علينا واحنا ندارى وشنا
بنخاف م اللى ممكن يجرا لقلبنا
سهم الحب جرح لو صاب قلبنا
آه لو اللى حبناه خيب ظننا
كأنه شوكة واقفة جوا حلقنا
وتعدى سنين علينا وتسرق عمرنا



وكل همنا ازاي نداوى جرحنا
وبنقسا على نفسنا
وسألنا اللى حبو قبلنا
الحب لما بيجى ليه بيلغى عقلنا
ولا بنشوف عيوب ف اللى حبنا
وبنفرح بيه وننسا كل همنا
الحب هو المودة م عدتش ف الزمن ده
الحب نسمة باردة ف حر شمسنا
بس محتاج شجاعة واردة مننا
تقوى قلبنا واحنا وبختنا
الحب هو قسمة من عند ربنا

الحب هو وردة جوا قلبنا
لما يكون حقيقى بيريح قلبنا
وابتسامة حلوة تنور وشنا
د العمر مرة واحدة بنعيشة كلنا
الحب شمعة ايدة بتتور عمرنا
بنخاف م الحب ليه وبنظلم نفسنا



حرام يادنيا

آه من قسوة الأيام آه من ظلمها
إمتا تبقى تمام وتخدنا ف حضنها
كثير بتكون بطيئة وحنا نزقها
وليه قسوتها جامدة وفين فرحها
وليه حلاوتها ناقصة وللا غريب أمرها
سرقت منا الأحلام حرقتنا بشمسها
وبتجرى بينا أوام مش ل حقين نعدھا
عدت علينا سنين معشناش عمرھا



ليه الأيام بخيلة ومفيش بأدينا حيلة
مرت ليالى طويلة ويغيب فجرها
وكتير بتبقا ماسخة وشبه بعضها
وفين نلقا فين ومنين نجيب
اللى يداوى جراحنا منها
ساعات بتكون جميلة
عشان تنسيك عندها
ساعات مجنونه وساعات حنونة
وكتير بتكره اللى يحبها
عشان تفهم درسها
لازم تخذها كلها على بعضها



حلوها ومرها
وتسيبها تيجى لوحدها
لما يجى الأوان ويسمح الزمان
تحقق الأحلام وتعيش فرحها
وح تخذك بالأحضان
بس متنساش غدرها
آه لو تستنا حبه ترجع المحبة
وتستطعم طعمها
او ترجع بينا تانى
حتى لو ثوانى وتعيد فرحها

طب حد يقولها
ب الصبر والإيمان ح نغلب عندها
آه من قسوة الأيام
آه من ظلمها



غربة الدنيا

غربة الدنيا ديه
غربة أحوالنا فيها
تتمسك بلى بايع
وتبيع اللى شريها
وبردو الناس طبائع
وفيهما اللى مكفيها
دا حزين وضايع بيبقى عليها



ودا رايق وصايع
وبالهلس مقضيها
ودا بيع كلام وببلاقي إهتمام
وتقدير كمان مهو اصله اولعبان
ودا تاجر وقادر وفاكر نفسه
شاطر وبالعش مقضيها
ودا بتخييب آماله
وبردو بيجرى عليها
ومش لاقى حظه فيها
عمال يبكى ويدعى ع اللى ظلمه
فيها والناس المفترية



ع الخلق ديه والدنيا بتديها
اموالها تزيد وتكثر
من غير م تتعب فيها
وغريبه الدنيا ديه
غريبه أحوالنا فيها
ودا متعلق ب الأوهام
وعايش ف الأحلام فى الحب والأفلام
ودا تعبان شقيان
مش حاسس بالأمان
ومقضى عمره يجرى
والدنيا تجريه كمان

ودنيا قاسية علينا
وبندارى دموع عينا ليشتت حد فينا
ومقضيها أمانى ونقول
يمكن بكرة يجى احلى وبشكل تانى
وبندم ع اللى عدا
آه منك يا زمانى
وبنستنا المودة
من الشخص الأناني
يادنيا حنى علينا
ودينا شوية دلح



ومعاهم حظ جامد
د القلب م القسوة اتوجع
ولحد أمتا المعافرة
صبرنا فاق الحدود
هو انتى قلبك حجر
ولا احنا بنعدى السدود
وبنادى عليكى
تمشى ولا ترديش
اديننا شوية حنيه
عشان نعرف نعيش

غريبة الدنيا ديه
غريبة أحوالنا فيها



(أشعار وخواطر)

مراية الحب

مش ذنبك

مش ذنبك إن قلبي حبك
ويمكن بردو ذنبك
ذنب قلبي انه أرتاح ف قربك
كل ذنبك كان كلامك اهتمامك
رقتك وحنيتك كانت هيه ذنبك
قلبي فرح وحبك
وشاف حنان الدنيا جنبك
فى نظرة عنيك ولمسة ايديك

سابنى وراح يقابلك
مش ح لومك أو اعاتبك
مش ذنبك إن قلبى حبك
ويمكن بردو ذنبك
كان كلامك هادى جميل
واهتمامك ملوش مثيل
ذنب قلبى انه صدق
يمكن عشان قلبى محروم م الحنان
راحلك و داك الأمان
بس وحيات اللى كان
اديله شئ م الحنان من جوه قلبك
ياما قلبى شاف م الزمان



م الأحباب كمان
ومن قسوة القلب اللى قبلك
كان مناه يفرح بحبك
كان مناه يبقى قربك جوا قلبك
دا قلبى طيب جميل
كان مش لازم يميل
مش لازم يصدق
مش ذنبك إن قلبى حبك
أكيد بردو ذنبك
وحيات جمالك وحيات غلاوتك
ح خللى قلبى ينسى حبك

ومش ح عتبك ومش ح سمحك
بس الزمان بكرة يحسبك
لكل كلمة قولتهالى مكنتش من قلبك



عيد الحب

عيد حب لكل الطيبين المخلصين
اللى بينوروا حياتنا ومش حاسين
من غير هدايا ولا بلالين
كل سنة وأنتم طيبين
ياما كتير للحب محتاجين
وهو مخصصهم من سنين
بقولهم كل سنة وانتم طيبين
عيد حب للى دايما أيديهم بالخير سابقين
اللى بيدأوا جراح المحرومين

فين الحب ؟ والناس لبعضهم
مش طايقين وف عيشتهم مظلومين
ويمكن حبايبهم فيهم مش سألين !
الحب كان زمان ف أغانى سومة
وحليم وشادية وصباح
بس يا خسارة زمانه راح !
الحب مش كلام الحب إهتمام
رحمة وإخلاص من غير حدود ...
بس ياترى لسة موجود ؟
تحية منى لكل المخلصين
واللى للحب مقدرين وللمودة



مهما الزمن عدا مش ناسين
و مع احبابهم اصحابهم متواصلين
كل سنة وانتم طيبين وفرحانين
مع حبابيكم متهنيين
تحية منى لكل إنسان وحيد
او مش سعيد
دور ع الحب يمكن يكون جنبك
ومش بعيد
مسير الأيام تصلحك وتكون سعيد

بحبك صحيح

بحبك ي غالى بحبك صحيح

طيب مثالى حنين صريح

بحبك ي عمرى واكثر كمان

و حبك ف قلبى طول الزمان

ياكل الامانى ي بحر الحنان

وفرحت زمانى وعنيه كمان

ي أجمل هدية من الدنيا ليه

شفتها عنيه



حبك ي غالى بيسرى ف دمی
من يوم مشوفتك نسيتهى همى
حبك ف قلبى بيزيد كل يوم
من غير آهات وعتاب ولوم
بعتب حقيقى على الزمان
سنين وعدت من غير حنان
نسيت معاك كل اللى عدا
وكل اللى كان كأنه م كان
شوفت المودة والحنان
وابتسم ليا الزمان

تعيشلى ي غالى وتسلم كمان
ي فرحة تعالى ننسى اللى كان
بخاف عليك م الهوا والشمس
د حبك فقلبي وبغيرك م حس
كلامك سلامك بيلمس قلبي لمس
حكايتي اليوم ومبارح وبس
كل اللى عدا ماضى م كنش مريح
إلا حبك أنت واضح صريح
بحبك ي غالى بحبك صحيح
طيب مثالى حنين صريح



ياللى شغلت البال

ياللى شغلت البال وياك
رسينا على بر هواك
شاغلنا ف ليلنا ونهارنا
واحترنا معاك والله احترنا
وسهرنا كثير وفكرنا
زى مانسيتنا ننساك
طب رجع قلبى اللى معاك

ليه طال غيابك عننا
و كأنك لاعرفتنا ولا عرفناك
من يوم م شغلتنا وشبكت قلبنا
روحت وفوتنا وبعدت عننا
حد يقولنا فين نلقاك
حد يداوى جرح هواك
حب جديد شغلك عنا
واحنا قاعدين نستناك
فين الرقة فين الحنية



فين فرحة عشناها معاك

ياما سهرنا نستناك

يا ما احتار الفكر معاك

ياترى فاكرونا ولاناسينا

ياترى لسة مشغول بينا

مين بس علينا قساك

والقلب بيتمنى رضاك

ايه ذنبنا وياك

وليه تحيرنا معاك

ياترسينا على بر هواك
يازى مانسيتنا ننساك
وترجع قلبى اللى معاك
حتى لو القلب اتألم اتندم
كان لازم يتعلم
لايصدق ولايسلم
و اهى او هام عشناها معاك.
بكرة يطيب جرح هواك
زى مانسيتنا ح ننساك
وترجع قلبى اللى معاك



تسالى

عدا الحب ولا كان على بالى
قلبى يطب ويتغير حالى
يا ريته ماعدا ولا جالى وهذا
كان مال الحب بقى ومالى
ي حبيبى يا غالى قربك يحلالى
قلبى ب يسألني عليك طوالى
إيه اللى شاغلك عننا
من يوم ماروحت وفوتنا

بتشوف غلاوتك عندنا
ولا انت ناسى حبنا
هو انت ايه خاصمتنا !
وقلبك من حبنا خالى
وكلامك كان كله تسالى !
شاغلت القلب وكان خالى
وبستمرار طيفك على بالى
واقول يمكن يسأل ..يكلم
او حتى يعدى ويسلم
حرام قلبى يتألم
وكان م الجراح خالى



قولولى اسأل عليه مين ؟
ومين يرحم بقا حالى
دا حب ده ولا تسالى
وليه عذابو يحلالى
وكلام طلع أو هام
أحلام ومرت بخیالى
یاريته ماعدا ولا جالى وهذا
كان مال الحب بقى ومالى
معلش یا قلبى یا غالى
حبه كان حب تسالى

حكاية

حبيبتي ياناس شكايه
وساعات بتبقى رغايه
النظرة تتحول قصة
والكلمة تعملها حكاية
حتى البسمة مع نفسى
تبقى وراها رواية
واحترت والله معاها
أعمل إيه أنا وياها ...



لو مرة رجعت متأخر
تقولى مين اللى كانت ويايا
ولو رجعت ياناس بدرى
يمكن أكون بوحشها
الاقىها لابسة وح تخرج
وتقولى تعالى مشوار ويايا
ننزل ننقى ف هدايا
لمامتى وخالتى وصحبتى آية
وكل يوم لينا حكاية
لافى بينا تفاهم ف حب ولا هواية !

ولا عدتتش أنا فاهم
إيه اللى بيحصل ويايا !
وساعات بتبقى نكدية
تعمل من الكلمة قضية
ناقص تحقق ويايا !
وتقوللى لازم أقول ل بابايا
وحشكى من ظلمك ليه
ولافى إهتمام ولاحنية
وبتقول عليه نكدية
لازم يشوف حل معايا ؟



عيشة ناقصها رومانسية
حبة دلع على حنية....
ولا حتى فيه لقمة هنيه
تقعد تاكلها ويايا.....
على ضوء شموع وأغنية
وتبقى دى أحلى حكاية!
حد يكلمها معايا
صاحى ونايم متكرر...
ع العيشة دى أنا مش حقدر



وكل يوم بزهق أكثر ...
من كلامها ويايا
كان إيه الى شبكها معايا
وبفكر اشوف لى عروسة
حلوة وتكون ننوسة
تفرح وتضحك ويايا
ويارب ماتطلع شكاية
نفسى أعيش ياناس متهنى
بس للفرصة أنا مستنى
خايف سنينى تضيع منى
ف معاندة وخصام وشرا هدايا
ولحد كدة يا حبيبى كفاية



مشاعر

ياللى م الحب بتهرب
وتخاف وتكش
ومحاوط قلبك بمشاعر
زى العصفور ف العش
كل م الحب يقرب منك
تهرب وتدارى الوش
وتقول خلينى ف حالى
لجراح تانى أنا مقدرش

ولا عادش ف زمنا مكان
للحب الصافى ولا أمان
وكله بقى غش ف غش
لملامح حلوة اتغشيت
وب أوهام جميلة اتغطيت
راحت اجمل أيام منى
وكأنى لارحت ولاجيت
فتحت عنية على حقيقة
منها انا اتخضيت وبكيت
وخلص راح عيش وحدانى
وابعد يا حب وانسانى



واشهد عليا يا زمانى
لو مرة الحب نادانى
ح هرب منه وابعده عنه
مقدرش اعانى من تانى معيش
وارجع افكر من تانى
ويصعب عليه حرمانى
وليه قسوتك يا زمانى
اشكى م الوحدة واعانى
والعقل يقول وينادى
أفتح قلبك للحب عادى
من غير م تخاف وتكش
مش كل الناس بتغش

ربك كريم بيعدلها
وقادر يغير الأحوال ويبدلها
ده بيرزق العصفور ف العش
هو عشان حبيبك باعك
مش كل الناس بياعة معلش
الحب مش غدار
العيب ف الاختيار
حاول تعرف تختار
قلب طيب مش غدار
وحياة تعيشها فريش
وكفاية م تتألمش
وبلاش كلمة معلش



زمن النت

كله مشغول بالنت
ولد او بنت راجل او ست
مارك ادانا عالم افتراضى.
وشبكنا فيه ونسانا الحاضر والماضى
وبيقينا نتصفح بمواقع
اخبار صور والعباب احلى م الواقع
حتى الأطفال ماسكة ف النت
والأم تقول اهو بيسليهم

ماهيہ مش لاقیہ وقت لیہم
وطول الیوم تصرخ فیہم
بس یاواد بس یابت سیبوا انت
والأب مشغول علی طول.
وبیشخط بس فیہم ولا فاضی
یتابع ویعلم ولا من وقته بیديهم !
فین القدوة !
فین حتی الأكل البیتی
اللی بیتاکل بشهية فین المحشى
والملوخیه ب التقلیه
وطواجن وفته باللحمة ومخلل



واسماك مشويه
ضاع زمن الحاجات الحلوة ديه
وشباب عصبى ومتكدر
وحتى الجواز يقول
انا مش حقدر ده مسئليه !
والبنات شابات مش عارفة الفرق
بين الجرجير والملوخيه
ياترى إحنا اللى دلعناهم
وشيلنا عنهم كل المسؤولية!
ولا هما اللى جيل كسول وانانى
وعايز طلباته تتقدمله فورية....
ومقضيها العاب الكترونيه !



ولاعاد فيه ثقافة ولا مشاركة
ولا زيارات عائلية ولا فيه
وقت لكل الحاجات ديه !
مارك عايش فى طبيعة خلابة
واحنا اللي غرقنا فى النت وغلاية
والوقت سرقنا وبالنسبة
اتعلقنا حتى بمشاعر وهميه !



ولحد امتى حنفضل ف الأحوال ديه !

محتاجين وقفة مع نفسنا ضد النت
والألعاب الالكترونية

اللى بتأثر ع الصحة والأعصاب

والرؤية البصريه ..

وياريت نبطل عصبيه

عايزين نرجع للأكل الصحى

والحياة الطبيعية

عايزين ميه نقيه.

مش فى عبوات بلاستيكيه

محناش عارفين ازاي متعبيه !

عايزين زرع من غير مبيدات

ويتسقى بميه نقيه مش بمحطات

معالجة لميه المجارى !

ايا كانت التقنيه

والى بيربو فيها مزارع سمكيه !

عايزين حد يمنع الناس ديه !

لو عاوزين جيل مثقف

وصحته قوية

لازم نعمله توعيه من مخاطر

الأكل الجاهز واضرارہ المستخبية

ومن كتر الاعاد ع انت

والمواقع الى مش هيه !



عاوزين جيل من غير
أمراض طب ازاي ؟
وهو عايش على منتجات خطيرة
او منتهيه الصلاحيه !
شيبسى وعصاير بألوان صناعية
وحلويات بمواد حافظة وخطيرة .
بس شهيه!!
عاوزين حملات وبرامج ثقافيه
للتوعية ع القنوات الفضائيه
تفهم الناس خطورة العيشة ديه
مع قوانين تصحى ضمائر
وتخوف الناس اللى بايعة القضية !!

اه م الشتاء

اه م الشتاء وقساوته

فين الربيع وحلاوته

الشتا شادد حيله بجد

وبقينا ح نجمد م البرد

كله لابس شال وكوفيه

وناقص نمشى ومعانا بطانيه

يارب ابعت لنا شوية دفا

وشمسك الذهبيه دحنا يارب

غلابة ومش قد السقعة ديه



وناس كثير ورا حيطان مدارية
والصيف حصيرته واسعة
مش زى الشتا والساقه
وف الصيف لهدومنا بنخفف
وبردو من حره وشمسه بنتافف
وبنمشى حالنا بمروحة وتكييف
ونهار فيه بركة ولطيف
وميه وعصير وأكل خفيف
وفي الحر ناس كثير عصبية
وللشتا مستنيه...!
يارب يكونوا مبسوطين

م البرد ومنتعشين
وهما فين ياترى وليه مش باينين ..
يكنوش مستخبين م البرد !
وبنسنا نسمع منهم رد
فين هما حبايب البرد !

وناس بتقول أوربا كدّ ف البرد
عاشين وظروف أصعب من كدة
وعادى مهما ناس جامدين
واحنا العيب فينا الى مش متعودين
وبنشكى م الهوا وللبرد مش عايزين !!



وبقولهم ملناش دعوة بجد
إحنا ف شوية مطر شوارعنا
بتغرق بجد والبلاعات بتتسد
وفى بيوت على ناس بتتهد
وناس عن اشغالها تتأخر
ولا حدش بيرحم حد
يارب خلى الشتا يعدى على خير
ألطف بينا وقوينا وخلينا نساعد بعضينا
ونمد ايدينا
للى م البرد الشتا بيقاسو الويل
يارب دفى بالحب قلوبنا

يارب دلنا ع الخير
وقدرنا نساعد الغير
ياما الحيطان بتداری
ولا حد بغيره داری
ده عيان وده بردان وده وحید
ومحدث بیه داری
وده من عیشته زهقان ...
وده من کتر امواله حیران
یقضی فین الشتویه !
وغریبة أحوال الناس دیه !
ناس ناقصها کلمة حب وحنیه



وناس ناقصها أكل وهدوم وبطانيه
وورا عزة نفسها متخبية
حد يقول حاجة للناس اللي
على الناس مستقويه !!



زمن الغش

إحنا بقينا ف زمن الغش
كله مركب ٣٠ وش
والطيبة بتتسما غباوة
ويقولوا لابيهاش ولا ينش
والصداقة مش حقيقية
مهى بقت الكترونية
والكل بيشكى من كلو
ومن العيشة متتعجبش



احنا بقينا ف زمن الغش
ده بيكلم ف الاسعار وبيشكى
جشع التجار وقاعد ف كلام
بيدش و هو كبير فى أصول الغش
وده متحير وده متغير
وده بيقول أنا لسه صغير
لهوم أنا مستحملش
وده متلمع وده متقمع
وده من الحيرة عنيه بتدمع
وبتجرى منه ع الوش
والناس بتقولو معلش

وناس للمال بتجمع
وتحط القرش ع القرش
وناس من حالها زهقانة
وظروفها مبتتعدلش
وناس كتير تعبانة بس
الضحكة مرسومة ع الوش
وبتدارى بالضحك همومها
وحتفيدها بايه كلمة معلش
وناس بتداوى جراحها وب تتألم
ولا تتكلمش ولظروفها م
بتستسلم ش



محنا بقينا ف زمن الغش
وناس بتغش بضمير وبتعمل
كفته من لحم حمير
وتقول خليها على الله يا أمير
اومال إزاي حنجيب القرش
محنا بقينا ف زمن الغش وكله مركب ٣٠ وش
وشوش مخبيه حقيقتها مخفية
خداع وغش وسرقة أعضاء
بشرية
حتى الميه فى الحنفية
محتاجة فلتر تنقية

والشارع ملىان زحمة ومطبات عشوائية

وعربيات وتكاتك

وده ماشى يتكلم وده ساكت

وناس ناقصة تربيته

والاخلاق بقت منسية

وكل الناس بقت عصبية

ولغيرها مبتتحملش

ولاحد بيساعد التانى

وكله همه ع القرش



مش ح سمحك

مش ح سمحك تتحكم فيا

مش ح سمحك

وكفايه عذاب وأسية وب لمحك

وعلى قلبى مهما تنادى

مش ح فتحك

كنت محتاجة منك حنيه

مش قسوة وعذاب وأسيه

ي خسارة كان قلبي بيرتحك
يرتاح لصوتك لكلامك لمامك
وكتير تنساني
وكنت بسامحك
كان قلبي خالي وراضى بحالي
وعليه ناديت وياريته م فتحك
شغلت بالي غيرت حالي
من يوم ماقلبي سهاني وراحك
ومش ح سمحك تتحكم فيا
مش ح سمحك
ولا عدش غيابك يشغلني
ولا كلمة منك تحياني



ولا عاتبك ولا تعاتبني
ويا ريتك تبعد وتسيبني
خلاص مش حقدر اسامحك
تجرحني وتشمت فيا عوازلي
وقلبي وغنيه واللهم دول صعبو عليه
مش عارفة إزاي اشرح لك
وخلاص مش ممكن اسامحك
ومش ح سمحك تتحكم فيا
مش ح سمحك
قلبك خالي كان مالو ومالي

ولا كان يخطر على بالي يتغير حالي
وزاي قلبي سابني وراحك
أوعى يا قلبي تبكى عشانه
أوعى ف يوم تستنى حنانه
ضاعت معاه أجمل امانى
خداع بياع وأنانى
ارجع يا قلبي ده مش نصيبك
ولا كان فى يوم ينفع حبيبك
بكرة يا قلبي جرحك يطيب
والأيام أحسن طبيب



بس ارجع لى وانا سامحك
وتقول معايله مش ح سمحك
تتحكم فيه مش ح سمحك



آه يا زمان

ليه كله بيجرى وبيمد

ولا حدش بقى فاضى لحد

آه ي زمان ضاع فيه الود

ولا فيه جار يسال على جار

والناس مشغولة ليل ويا نهار

وان حبيت اسال وأود

م لقيش حد فاضى لحد

ويقولوا الدنيا تلاهى

طب عن احبابك ليه ساهى

مش بردو تسأل وتود !

وزمن بيجرى ويشد منك



ايامك وويجريك ورا احلامك
ومشاغل بتفوق الحد
وبنسغرب م الأيام ونقول
مش كله تمام ومشاكل
للحيل بتهد ..ومش فاضى اسأل واود
وزمان بقى قاسى
بجد ولاحد بقى فاض لحد
راح فين الزمن الماضى
كان حلو والله وهادى
والناس فيه كانت بتهادى
بالطيبه و الفرح والود

ف الفرح معاك واديهم سابقة
اديك وفي احزانك كنت تلاقى
ناس تساند وتشد
وتخفف عنك احزانك
وايديهم بالخير تتمد
ونفوس كانت صافية بجد
هو الزمان اللى اتغير
ولا الكل مشغول بالنيت !!



ياناسينى

يا ناسينى وبفكر فيك
يا بيعنى أنا والله شاريك
بابعتك من قلبى سلام
على حبك بصحى وبنام
مهما تعدى الأيام
ف القلب حتفضل وحديك
ي نسينى وبفكر فيك
روحى هيما نه بحبك

عيونى سألوني عليك
دقات قلبى بتند هلك
هبعتك طيفى يصحيك
ي حبيبى ي سبب تعذيبى
إزاي هنت عليك
تنسانى وتروح ولا تسأل
مش كنت تظمنى عليك
قوللى إزاي ارضيك
ي نسينى وبفكر فيك
مهما بعادك طول
بحبك اكتر من الأول



ومسير الحب يصحيك
وبروحي وعمرى افديك
وهفضل اشاغلك ولاغيك
هفضل ي حبيبي شاريك
يمكن يوم ترجع لبيه
اوعى البعد يقسيك
مش ممكن حتلاقى حنانى
بستنى ترجع من تانى
ي نسينى وبفكر فيك
ي بيعنى د نا والله شاريك
والحب كله شايله ليك
وعمرى كله مش خسارة فيك

قطر الحظ لسه مجاش

أيام حلوة بسعادة تتعاش ،،،،
يارب خللى الحزن يبعد عنا مايزورناش
أسئلة كثيرة وبتحير ،،،،
هيه الناس م الدنيا بتتغير
ولا احنا العيب فينا ،،،،،،،،
وفى اختيارتنا مفكرناش
واللى نصحنا ماسمعناش ،،،،
حتى مشاعرنا خدعتنا
وقولنا ايوة وليه لأ ه مقلناش ،،،،
ولصوت العقل ماسمعناش !
هدى شويه ي أيامنا ،،،،
خلينا نحقق أحلامنا وطريقنا ينور قدامنا ..
،،،،، مهو لسه قطر الحظ مجاش



ويا ترى لنا مكان فيه ولا ملناش ،،،،
خايفة يعدى ولا يشوفناش ،،،،،
مهو دايمًا بيحى مستعجل يا لحقنا ي ملحقناش
وحاولنا إننا نتغير ،،،،،،
ومن طيبة قلبنا نتحرر يا خسارة مقدرناش ...
ليه ي سنين قاسيه علينا ،،،،،
ايام حلوة م ديتيناش
صابرين على المر ولا اشتكيناش ،،،،
حنستنا منك حنيه وفرحة كبيرة
تخللى الدنيا ماتسغنناش
الأيام بقت بتحير وكثير منّا ،،،،،
يتغير ينسى حبايبوا وينسى صحابوا
حتى رسالة فى مناسبه م بيبيعتهاش
ولاحد يسأل ع التانى والوقت
يعدى فى ثوانى وكله فى مشاكله بيعانى ،،،،
ونعائب يقولو بلاش
راحت فين الناس الحلوة الطيبة

وللى من قلوبنا قريبة ..
تمسك ادينا ومتسبناش ،،،،،
وف الزحمة تفضل معانا متوهناش
تطبطب علينا بحنيه وغيرها إحنا ملناش
ملناش فى الناس الاسبه ...ايوه ملناش
وحفضل كتير كدة نستنى
ونشكى همنا للى ما محبناش
واللى خدعنا ولاقدرناش
ولا للى مهما قولنا م بيسمعناش !!
والله دى حاجة تحير ،،،،
اللى اتغير واللى منه فكرنا متحير
واللى نسامحه ونقول ده صغير ،،،،،
لسه الدنيا معرفهاش !!
ولسه قطر الحظ مجاش
الحظ بيجى متنكر ومعهاه فرصة ،،،،،
ونقول وحشة ومنخدهاش



ونقول خيرها فغيرها
حكمة ربنا مين يعرفها .. ؟
وكتير مننا م بيفهمهاش !!!



الشاعرة فى سطور

نبيلة محمود



شاعرة عامية

بكالوريوس تجارة شعبة

ادارة أعمال - جامعة القاهرة

دبلوما تسويق من جامعة عين شمس

دبلوما ادارة عامة من الاكاديمية العربية للعلوم والتكنولوجيا

ماجستير ادارة .. من الاكاديمية العربية للعلوم والتكنولوجيا

والنقل البحرى



(أشعار وخواطر)

مراية الحب

مدير عام سابق بالبنك العقاري المصرى العربى
حازت العديد من التكريمات وشهادات التقدير وآخرها لقب صاحبة
أفضل إصدار عن كتاب (عرفنا خلاص) عن مؤسسة النيل والفرات
حضرت العديد من الأمسيات والندوات الشعرية فى مصر

صدر لها :

- عرفنا خلاص (ديوان شعر ٢٠١٩)
عن مؤسسة النيل والفرات للطبع والنشر والتوزيع (الطبعة الأولى -
أغسطس ٢٠١٩)
بحر الحياة (ديوان شعر)
عن مؤسسة النيل والفرات للطبع والنشر والتوزيع (الطبعة الأولى
- أغسطس ٢٠١٩)
عرفنا خلاص (ديوان شعر ٢٠١٩)
عن مؤسسة النيل والفرات للطبع والنشر والتوزيع (الطبعة الأولى -
أغسطس ٢٠١٩)
مراية الحب (ديوان شعر)
عن مؤسسة النيل والفرات للطبع والنشر والتوزيع (الطبعة الأولى -
أغسطس ٢٠١٩)

ها تحت الطبع :

خمسة دواوين شعرية



(أشعار وخواطر)

مرآة الحب

محتوى الكتاب

بطاقة الكتاب	٢
اهداء	٤
مراية الحب	٥
بننسى ساعات	٩
ظلمت روحى	١٤
الحب جميل	١٩
مش كل الحب إهتمام	٢٣
إنسانى يابو قلب أنانى	٢٨
مشغولين عليك	٣٢
حادثة القطار	٣٥
الكلمة الحلوة ليه تخبيها	٤١
بنخاف م الحب	٤٦
حرام يادنيا	٥٠
غريبة الدنيا	٥٤
مش ذنبك	٦٠
عيد الحب	٦٤
بحبك صحيح	٦٧

٧٠ياللى شغلت البال
٧٤تسالى
٧٧حكاية
٨٢مشاعر
٨٦زمن النت
٩٣اه م الشتاء
٩٩زمن الغش
١٠٤مش ح سمحك
١٠٩آه يازمان
١١٢ياناسينى
١١٥قطر الحظ لسه مجاش
١١٩الشاعرة فى سطور
١٢٢محتوى الكتاب

